



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Ivris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

XCIII. Differentia 19. Inter servos Iure civili non potest esse matrimonium
néq[ue] inter servum & liberam, sed vocatur contubernium.

Inter servos Iure civili non potest esse matrimonium, neq; inter servum & liberam, sed vocatur contubernium. *l. Cum Ancillis. C. de Incest. nupt.* At Iure Canonico tam servus, quam liber rectè matrimonium contrahit. *c. 1. De coniug. servor. Bart. 61. Canis. 41.*

I. Servi dicuntur, quibus libertas arbitrio suo vivendi adempta est, itaq; liberis apponuntur: & ex eo appellati sunt, quod imperatores captivos vendere, ac per hoc servare, non occidere solent. *§. 1. De iure person. l. 4. De statu hom. ff. De verb. signif.* Et tales sunt proprie dicti servi, alij minus proprie ascripti appellantur, qui prædio, & agris colendis additi affixiq; sunt, nunquam recessuri & annuos redditus omnes domino prædiorum præter sumptus, & victum reddituri: Ex his nati originarij dicuntur *Abb. c. 2. De iud. notab. 1.* Hi omnes, quia tantum ad certas operas obligantur, vera liberi sunt, & secundum quid tantum servi reputantur.

II. His positis, ut inter Canones & leges oppositionem esse appareat, de eodem genere servitutis loquamur, necesse est *In l. cit. atq; cum Ancillis.* Imperator Constantinus ita pronunciat. Cum Ancillis, non potest esse connubium. Nam ex eiusmodi contubernio servi nascuntur. Quomodo hoc? quia partus ventrem sequitur. Hinc è contrario ex libera, & servo natus ingenuus est. *l. 24. ff. De statu hom. & c. un. de natis ex lib. ven-*

tre. novum hoc, & nusquam gentium fieri Plautus in Casina Prologo dicit. de quo V. Alciat. l. 6. parerg. Iur. c. 16.

III. Ecclesie sensum *c. 1. De coniug. serv. exhibet.* sicut in Christo *LES V* neq; liber, neque servus, est à Sacramentis Ecclesie removendus, ita nec inter servos matrimonia debent ullatenus prohiberi: & si contradicentibus dominis & invitis contracta fuerint, nulla ratione propter hoc sunt dissolvenda. Debita tamen & consueta servitia non minus debent proprijs dominis exhiberi. Loquitur: *quod notandum,* de illis tantum, qui tempore contractus servilem conditionem non ignorant; adeoque sponte ac liberè non obstante tali impedimento consentiunt, iuxta *c. si quis ingenuus. 29. Q. 2.* Inter illos autem, qui ignati servitutis sunt, irritum est matrimonium. *c. 2. 3. & ult. De coniug. serv. quia talis error consensum tollit. l. si per errorem. ff. De iurisd. om. iud. v. Barb. Axiom. 82. n. 1.*

* *

*